



## NEWSPAPER CLIPPING

|             |   |                                               |
|-------------|---|-----------------------------------------------|
| Date        | : | 31 Oktober 2018                               |
| Title       | : | Malaysia pengeluar terbesar panel solar dunia |
| Publication | : | Kosmo                                         |
| Page        | : | 31                                            |

# Malaysia pengeluar terbesar panel solar dunia

TENAGA boleh diperbaharui seperti cahaya matahari, angin, hujan, pasang surut air laut dan geoterma yang boleh diganti secara semula jadi sangat penting untuk menggantikan bahan api fosil.

Saban hari tenaga daripada bahan api ini semakin berkurangan apatah lagi ia memerlukan ratusan tahun untuk terhasil.

Sehubungan itu, penggunaan tenaga yang boleh diperbaharui semakin mendapat tempat bagi memberi penyelesaian kepada

krisis tenaga pada masa akan datang.

Apatah lagi, ia tidak membebaskan pencemaran dan bersifat mesra alam.

Menurut **Pensyarah Institut Tenaga Lestari, Universiti Tenaga Nasional (Uniten), Dr. Ahmad Wafi Mahmood Zuhdi**, penggunaan tenaga yang boleh diperbaharui termasuk solar hanya dua peratus di negara ini.

“Justeru, kerajaan berhasrat untuk meningkatkan penggunaan

tenaga itu kepada 20 peratus pada masa akan datang.



AHMAD WAFI

“Kini, Malaysia tersenarai sebagai salah sebuah negara pengeluar panel solar terbesar dunia,” katanya ketika dihubungi *Kosmo!* baru-baru ini.

Memandangkan negara ini terletak di garisan Khatulistiwa, ia memberi kelebihan bagi menjana tenaga solar kerana menerima banyak cahaya

matahari.  
Mengulas mengenai

penggunaan tenaga solar di negara ini, Ahmad Wafi berkata, kita masih bergantung pada sumber bahan api fosil untuk menjana elektrik.

“Namun, kita sedang mengorak langkah ke hadapan dalam memperluaskan teknologi dan penggunaan tenaga solar dalam usaha mengurangkan kebergantungan kepada tenaga fosil.

“Kerajaan juga turut memperkenalkan inisiatif-inisiatif penting untuk mencapai hasrat tersebut,” terangnya.